

太上洞真智慧上品大誡

元始天尊以開皇元年七月一日午時 於西那玉國鬱剎之山浮羅之嶽
長桑林中 授 太上道君智慧上品大誡 法文 是其時也 道君

受誡起 北向首體投地 回心十方 還向東而伏

天尊告太上道君曰 今當宣通法音 開悟群生 為諸男女解災卻患

請福度命 拔諸苦根 使生者見道 身脫八難 死者歡樂 飲食

天堂 早生人中 轉輪聖王 修齋求道 皆當一心請奉十誡 諦受

勿忘 專心默念 洞思自然 勿生雜想 撓亂形神 能如是者 便

當靜聽

天尊告曰

- | | | | | |
|------|------|------|------|------|
| 第一誡者 | 心不惡妒 | 無生陰賊 | 械口慎過 | 想念在法 |
| 第二誡者 | 守仁不殺 | 愍濟群生 | 慈愛廣救 | 潤及一切 |
| 第三誡者 | 守貞推讓 | 不淫不盜 | 常行善念 | 損己濟物 |
| 第四誡者 | 不色不慾 | 心無放蕩 | 貞潔守慎 | 行無玷汙 |
| 第五誡者 | 口無惡言 | 言不華綺 | 內外中直 | 不犯口過 |
| 第六誡者 | 減酒節行 | 調和氣性 | 神不損傷 | 無犯眾惡 |

太上洞真智慧上品大誡

清微藏書閣

- | | | | | |
|------|--------|-------|-------|------------|
| 第七誡者 | 不得嫉人勝己 | 爭競功名 | 每事遜讓 | 退身度人 |
| 第八誡者 | 不得評論經教 | 訾毀聖文 | 躬心承法 | 恒如對神 |
| 第九誡者 | 不得鬥亂口舌 | 評論四輩 | 天人咎恨 | 傷損神炁 |
| 第十誡者 | 舉動施為 | 平等一心 | 人和神穆 | 行常使然 |
| 天尊言 | 修奉諸誡 | 每合天心 | 常行大慈 | 願為一切 普度厄世 |
| 謙謙尊教 | 不得中怠 | 寧守善而死 | 不為惡而生 | 於是不退 可得 |
| 拔度五道 | 不履三惡 | 諸天所護 | 萬神所敬 | 長齋奉誡 自得度世 |
| 太上道君 | 不勝喜懼 | 稽首奉命 | | |
| 天尊言 | 夫為學者 | 修齋行道 | 開度天人 | 作諸善功 當行十二可 |
| 從 | 而得度世者 | 爾宜從之 | 自得正真 | 終入無為 所願皆成 |
| 第一者 | 見真經出法 | 開度一切 | 便發道意 | 心願後世得登大聖 |
| 第二者 | 常行慈心 | 願念一切 | 普得見聞 | 開度廣遠 無有障翳 |
| 第三者 | 好樂經教 | 深遠覽達 | 意志堅明 | 開化愚闇 |
| 第四者 | 尊受師訓 | 廣開勸化 | 令入法牆 | 遠離盲道 |
| 第五者 | 信向玄妙 | 尊奉經訣 | 晨夕誦習 | 無有怠倦 |
| 第六者 | 不務榮華 | 斷俗因緣 | 專心定志 | 所營在法 |

第七者 勤誦大經 願念一切 廣開橋梁 為來生作緣
第八者 敬生善心 不邪不偽 無嫉無害 無惡無妒
第九者 在所托生 常值聖世 與靈寶法教 相值不絕
第十者 潔身持誡 修齋建功 廣救群生 咸得度脫
第十一者 學業廣覽 宣通洞法 預以天人 普令開度
第十二者 常與明師 世世相值 受教宣化 度人無量 一切善
心 皆得真道

天尊言 學士修行之法 當行十二可從之誡 能以一心行此善念
世世得見聖文 與道結緣 諸天女識 獨超三界 無所罣礙 長離
三惡五道八難 萬神敬護 地祇擁衛 門戶清肅 萬災不干 可謂
端正而得道也 勤為習誦 廣宣同學 皆使一心 齊入法門
天尊言 道尊法妙 人身亦貴 故道開法 遺誡經文 以度人身
人身既度 上與道同 宜為精行 持齋奉誡 夷心靜默 志念分明
一意歸向 專想不二 滌蕩六府 過中不味 內外清虛 每合自
然 是其齋日 捻香啟願 應心上徹 四天司邏 十部威神 即下
履行 觀聽至音 鑒映爾心 如誠行道 皆列功諸天 禍福立彰

太上洞真智慧上品大誡

清微藏書閣

道不負人 勤行諦受 勿使魔言

天尊言 若善男子 善女人 能發自然道意 來入法門 受我十誡

行十二可從 則為大道清信弟子 皆與勇猛飛天齊功 飛天未得

道者也 是大道十轉弟子 飛天虛空 為諸天策駕 清信弟子 見

在世上 可得免於憂惱 度於眾苦 身入光明 形內澄正 招鬼使

神 制伏魔精 十轉即得上為飛天 若在一轉 而行精進 心不懈

退 作諸功德 長齋苦行 晨夕不倦 即得飛天 於此而進 超陵

三界 為上清真人

天尊言 受我十誡 十二可從 皆當稽首稱 清信弟子 從今受誡

一心奉行 不敢不信 皈命十方 能如是者 見世門戶隆盛 咸

得康強 地祇侍衛 三界司迎 七祖魂神 上昇南宮 衣飯天廚

早得更生 還於人中國王之門 世世不絕 與道因緣

天尊言 建齋行道 四天帝王皆駕飛雲綠輶 八景玉輦 侍從真人

玉女 手把華幡 前導鳳歌 後從天鈞 白鶴獅子 嘯歌騁騁

燒香散華 浮空而來 瞻禮行道 觀聽法音 天王下降 萬靈朝焉

如是豈可不盡其法也 當先受十誡 然後行道 庠序雅步 靜心

閉意 坐起臥息 不離儀格 天王歡悅 列名上清 可謂得 道在
方寸之間

智慧閉塞六情上品誠

第一誠者 目無廣瞻 亂諸華色 亡睛失瞳 光不明徹
第二誠者 耳無亂聽 混於五音 傷神敗正 惡聲啼吟
第三誠者 鼻無廣嗅 雜炁臭腥 易有混濁 形不澄正
第四誠者 口無貪味 脂薰之屬 濁注五神 臟腑漬漬
第五誠者 手無犯惡 不竊人物 貪利入己 禍不自覺
第六誠者 心無愛慾 搖動五神 傷精喪炁 體發迷荒
天尊言 其六誠者 身之大患 來生男女 雖受人形 而六情不純
未見經教 不聞法音 形不自覺 沉迷罪門 致命短促 不竟天
年 長處惡道 甚可哀憐 故說是誠 開度人天 善心信向 一意
歸命 尊奉聖教 閉諸惡門 則形入虛空 六通智慧 六通智慧者
洞視 洞聽 洞空 洞虛 洞清 洞微 是為六通 無所不通也
六情恬夷 神自歸也 一自生也 精自固也 壽命長遠 終不死
也

太上洞真智慧上品大誠

清微藏書閣

智慧度生上品大誠

一者 見人窮急 度其死厄 見世明達 能制凶逆 年命長遠
世享無極
二者 見人窮乏 饑寒困急 損身布施 令人富貴 福報萬倍
世世歡樂
三者 含血之類 有急投人 能為開度 濟其死厄 見世康強
不遭橫惡
四者 施惠鳥獸 有生之類 割口飼之 無所愛惜 世世飽滿
常在福地
五者 度諸蠢動 一切眾生 咸使成就 無有天傷 見世興盛
不履眾橫
六者 常行慈心 愍濟一切 放生度厄 其功甚重 令人見世
居危得安 居疾得康 居貧得富 舉向從心
天尊言 其六誠者 皆以心通智慧 能施其德 行合自然 慶福恒
居其身 禍害常遠其門 翫好不絕 世世因緣 一轉受報 飛天齊
功 超輪九轉 漸入大道 十轉弟子 名書諸天 七祖同昇 上生

天堂 衣食福德 即生人中 轉輪神王 恒居福門

智慧十善勸助上品大誠

- 一者 勸助禮敬三寶 供養法師 令人世為君子 賢孝高才 榮貴巍巍 生為人尊 門族昌熾
- 二者 勸助治寫經書 令人世世聰明 博聞妙義 恒值聖世 見諸經教 能誦章句
- 三者 勸助建齋靜舍 令人世世門戶高貴 身登天堂 飯食自然 常居無為
- 四者 勸助香油眾乏 令人世世芳盛 香潔光明 容睟絕偉 天姿高秀
- 五者 勸助法師法服 令人世世長雅 逍遙中國 不墮邊夷 男女端正 冠冕玉珮
- 六者 勸助國王父母 子民忠孝 令人世世多嗣 男女賢儒 不經諸苦
- 七者 勸助齋靜讀經 令人世世不墮地獄 即昇天堂 禮見眾聖 速得反形 化生王家 在意所欲 玩服備足 七祖同歡

太上洞真智慧上品大誠

清微藏書閣

善緣悉會 終始榮樂 法輪運至 將得仙道

八者 勸助道士 眾人經學 令人世世才智洞達 動靜威儀 常為人師

九者 勸助一切 布施諫諍 令人世世壽考富樂 常無怨惱

十者 勸助一切人民 除嫉去慾 履行眾善 令人世世安樂 禍亂不生 病者自愈 仕宦高遷 為眾所仰 莫不吉祐 門戶清貴 天人愛育 神魔敬護 常生福地

天尊言 其十善勸誡 自非大道十轉弟子 莫能行也 能行之者

與飛天齊功 心與六通智慧參同 洞虛無也 身後皆得飛行雲中

眾聖策駕 遊乎十方 從此不懈 亦得位及仙王 七祖即離幽夜

昇入南宮 衣飯天廚 受福自然 其法高妙 度人無量 巍巍大化

難可勝焉

天尊言 六通智慧者 天曰洞視 地曰洞聽 東曰洞空 西曰洞虛

南曰洞清 北曰洞微 六通洞達 遼邈無端 不可得測 不可得窮

無所不包 無所不容 其有六覺之炁 常通六慧 人識六通

則六覺明焉 制御六情 使人自然棄諸惡根 生諸善念 心體六慧

自得神仙

天尊言 為道之本 欲度十苦八難之中 當受大誠 修齋建德 立
諸善功 為三界所稱 諸天所觀 身無不度 道無不成 不受大
誠 徒為長齋 或斷穀休糧 隱遁山林 肉身求度 而無六通智
慧之行 徒失爾功 無由成就 善男子善女人 有至心者 勤求
諦受 今說是經 廣加開度 咸使十方 普聞法音
天尊言 天為洞視 則天眼智高 慧洞無窮 自上自下 四面八方
無所不照 無所不明 雖曰一通智慧 而五色總焉 天洞自然
故無損傷 人則法天 目中朱童 亦有五色之光 人不持誠 六覺
之炁 不通人孔竅 智慧未開 廣視五色 則眼童飛揚 光睛昏翳
令人目盲 故說是誠 以度天人 咸使男女 得聞法音 欲得過
度 年命長遠 當奉是誠 勤行勿忘 慎多色想 放蕩目神 每自
制御 愛養眼童 思真靜念 令通智慧 洞觀虛空 持誠制己 則
五色歸身 五色自歸 則無損傷 保爾年命 可得無窮
天尊言 地為洞聽 智慧遠聞 故響應天上 下徹四方 無所不窮
無所不聞 雖曰一通智慧 而五音總焉 地洞自然 以生五音

太上洞真智慧上品大誠

清微藏書閣

朕而不動 故無損傷 人則像地 耳中則有五聲之神 人不持誠
則智慧不通 不可亂聽 五音之聲 五音使人 五神飛揚 耳中空廢
隆隆悲鳴 五神啼泣 致令耳聾 故說是誠 以度天人 咸使男女
普聞法音 欲得長生 當持大誠 以制耳神 勿為多聽 非法之音
靜聽妙經神真之章 令通智慧 洞響太空 持誠制己 則五音歸
身 五音自歸 則耳無惡聲 保爾年命 剋得長遠
天尊言 東為洞空始陽之炁 炁出於空 智明慧寥 故曰洞空 洞
遠無礙 不可得窮 始青之炁 雖曰一通智慧 而五炁總焉 空無
不納 故無損傷 人雖有形 形亦法空 鼻有黃寧 辟非之神 人
未持誠 則智慧不通 未入智慧 不可雜食臭腥之物 臭腥之炁
使人鼻神壅塞 經源易有斷絕 明梁不通 故說是誠 以度天人
咸使男女得聞法音 欲度諸苦八難之中 當受是誠 以制鼻神 勿
多受臭 滌蕩明梁 導引生炁 通明智慧 洞炁入空 持誠制己
則眾炁歸身 眾炁自歸 與炁混同 長保身命 終不毀傷
天尊言 西為洞虛少陽之炁 炁出於虛 智微慧朗 故曰洞虛 虛
之無礙 洞遠難窮 少陰之炁 雖曰一通智慧 而五味總焉 虛無

不入 虛無不容 人雖法虛 身不持誠 則智慧不通 智慧未入
則五味為患 貪啖脂薰 則五神不安 致有傾訖 年命不長 故說
是誠 以度天人 咸令男女 普聞法音 欲得長命 當持大誠 以
制五神 慎勿貪五味 甘其脂薰 滌蕩五臟 每令清涼 身有智慧
則五味知香 內外恬夷 年命不傷也
天尊言 南為洞清太陽之炁 炁出於清智清慧 開關而洞清 故南
有赤帝洞陽之庭 冶鍊萬物 受鍊而明也 人不持誠 則智慧不通
智慧不通 則心神振動 生於愛慾 使人迷茫 喪神傷命 壽不
得長 故說是誠 以度天人 咸使男女 普聞法音 欲得長壽 過
度諸患 當受是誠 以制心神 除情遣欲 棄塵入清 通明智慧
六覺開津 身入洞清 與炁自然 保爾年命 得永長存天尊言 北
曰洞微 生於玄 智遠慧深 微而洞真 陰察罪福 主人生元 手
法四時 上應天關 天關恒轉 手亦動焉 手有天神 接生方盈
運人四大 觀人敗成 人不持誠 智慧不通 則搖動人心 眾惡並
生 手作不覺 貪竊自營 致有短命 不終天年 故說是誠 以度
天人 欲得長壽 過度惡根 當奉是誠 以制手神 通明智慧 心

太上洞真智慧上品大誠

清微藏書閣

自開明 手不貪竊 惡根不生 應天順炁 身入自然 保爾壽命
永得長存

智慧功德報應上品誠

誠曰 施散供養三寶神經 一錢已上 皆七十四萬倍報 一萬以
上 報不可勝 名記諸天 身登太上十轉弟子 七祖上昇
為諸天賓友
誠曰 施散法師法服 治寫經書 建立靜治 一錢以上 皆三十
二萬倍報 萬錢以上 報不可勝 世世聰明 恒值明師
生於貴門 七祖皆為太上之賓
誠曰 施散法師道士香油齋食 一錢以上 皆二十四萬倍報 功
多則報重 世世豐有 恒無窮乏 七祖歡泰 恒食天廚
施散山棲道士 一錢以上 皆一十二萬倍報 功多則報重
誠曰 世世恒值聖師 見道法教 七祖皆得五帝交遊
施散清信弟子香燭齋食 一錢以上 皆三萬二千倍報 世
世歡樂 不見諸苦 七祖上昇天堂 逍遙無為 恒居福中
誠曰 施散財寶 營造觀宇 一錢以上 皆二萬四千倍報 功多

報多 世世賢明 翫好不絕 七祖皆得入元惠之國
誠曰 施散天人窮乏 一錢已上 皆一萬二千倍報 功多報多

誠曰 世世富貴 歡樂無極 七祖皆受四方天廚 衣食自然
誠曰 施散眾生 損己餉食 一錢已上 皆六千二百倍報 世世

子孫昌熾 門戶興盛 七祖免離地獄 上昇自然福中

天尊告太上道君曰 智慧上品功德之誠 天人男女 有發自然道意

損己布散 開張福田 功德甚重 施一之功 數萬之報 報應之

理 明如日月 或在見世 或在來生 但福報差移 不必同至 其

中或有計功補過 或以德贖罪 或為祖世拔諸刑責 是致報應 不

即明顯 三官九府 記人功過 毫分不失 或先罪已除 身不犯過

後功未明 與凡不異 此由己身受生日剋 應諸天解度 然後福

報 雖爾推移 七祖魂神 已昇天堂 福會於後 萬無差錯 明告

男女 令知報應 天道不虛 善心信向 勤行勿懈 剋得開度 受

福無窮也

天尊告太上道君曰 諸天上聖 至真大神 諸天帝王 及已過去塵

沙之輩 得道之者 莫不由施散布德 作諸善功 功滿德足 以致

太上洞真智慧上品大誡

清微藏書閣

善報 輪轉不絕 皆得道真 超陵三界 逍遙上清大羅之天 玉京

玄臺七寶林中 此時皆知施功不失 歡樂自然 世世無量 所施蓋

微 福慶無極 末世偽薄 人情慳貪 唯知聚積 為己重擔 莫能

發心 作此功德 功既無積 罪穢日生 長遠福堂 沉淪罪門 展

轉五道八難之中 一失福世 無有還期 男女相牽 莫識宿命所從

而來 見其魂神 甚可痛傷 今為諸天 說是禁誡 咸令男女 普

聞法音 開度群生 使入福中

天尊言 我歷觀諸天地獄之中 男女責作幽牢窮魂 莫非先身不見

明誠 見而不行 或行而不遵 迴生悔心 還入罪門 或生而犯惡

不遇善緣 或不知施散 發心建功 廣作福田 以拔宿根 唯知

作罪 流曳三塗八難之中 念其愚癡 甚可哀傷 故說是誡 開度

天人 咸使男女 普聞法音 知發道心 建立善功 以拔諸苦 與

道為緣 咸得歡泰 逍遙自然

太上道君受誡於

元始天尊 開度諸天 四方邊土 功德成就 以傳諸天天王 十方

大聖 太微帝君 四極真人 東華宮中 方諸大神 玉女群仙 普

使宣通 濟度來生 令聞法音 是時諸天 莫不欣喜 善哉善哉

太上洞真智慧上品大誠竟

天運壬辰年酉月正一天師清微弟子洪鼎堅羅大英恭錄彙編

趙江複校

太上洞真智慧上品大誠

清微藏書閣